

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
Редакція: Kapitulska ulica 10.
Адміністрація:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Передъ важнымъ крокомъ...

Передъ важнымъ крокомъ стоить теперь христіянскій народъ Подкарпатской Руси. Дня 16-го марта всѣ тамъ будеме стояти передъ выборчою комиссією и будеме рѣшати котра партія має заступати интересы христіянского населенія нашей малой краинки. Выбереме пословъ до того парламенту, въ котрому будуть рѣшенія всѣ наши пекучъ вопросы, всѣ наши жаданія и всѣ наши права.

Намъ христіянамъ Подкарпатской Руси найлѣпше болить, что туй вѣра христіянска потоптана, что христіянскій народъ роздерли чужинцѣ на двѣ ворожѣ группы и что въ имени „свободы“ шизматики розбивають наши церкви, отбирають наши школы, выганяють нашихъ священиковъ — и все то влада холоднокровно смотрить...

Наши греко-каѳолики переживають не въ одномъ селѣ добу „переслѣдований христіянъ“, стогнуть подъ терроромъ схизматиковъ и дармо ходять изъ уряда до уряда, окремъ порожныхъ обѣцянокъ ничего иншого не достануть.

Айбо теперь уже пришовъ и для нихъ рѣшучій часъ! Теперь має той христіянскій народъ указати, ци одобряє грабежъ храмовъ Божіихъ, ци одобряє выкиданя вѣры и крестовъ изъ школы, ци одобряє чтобы тысячи и тысячи греко-каѳоликовъ гонили, переслѣдовали чужинцями подбуренї батюшки. Теперь має стати твердо на ноги христіянскій руській народъ и конецъ урвати до неба волючимъ беззаконіямъ; что туй въ имени „свободы“ наши посвящены престолы всякихъ темнѣ особы ногами топтають, оскверняють биткою храмы Всевышнього и явно въ церквахъ псують нашу св. вѣру, въ котрой родилися и умерли наши прадѣды и въ котрой были крещенї и мы всѣ.

Нѣтъ, се дале такъ не може быти! Доста было уже изъ терпеливости, хвала Богу пришовъ уже той часъ, что и нась позвѣдають якъ мы, христіяне судиме въ семъ дѣлѣ; хвала Богу туй е благополучное время громкимъ голосомъ закричати панамъ влады, жупанамъ, журатамъ и т. д., что мы се дальше терпѣти не хочеме!!...

На выборѣ каждый чоловѣкъ тайно голосуе; не знае никто,

хиба той Богъ всемогущій, что все видить. Кождый христіянинъ може по своей совѣсти тоту листу положити до урны, которую хоче. Попозерай и розважъ зато добре христіянине, которая тата партія, которая твою христіянску вѣру заступати буде въ парламентѣ, которая тата партія, что выразно и открыто обязуєся твою греко-каѳолическу вѣру заступати противъ шизматицкихъ насилий, которая тата партія въ которой найдешь повну гарантію, что дѣйстно „свобода, вѣры“ а не большевицкій анархизмъ и шизматицкій рай будуть пановати на гр.-каѳ Подк. Руси.

Розважъ добре... ты читаешь новинки... ты маешь отца духовного... ты маешь чистѣ очи... ты можешь скоро познать которая партія може и буде стояти за нашу вѣру.

Бо если не будешь осторожный, тогда легко може ся стати, что запанують надъ нами коммунисты, схизматики и тогда конецъ нашей отцевской вѣрѣ. А ты зостанешь рабомъ, рабомъ наиболышихъ вороговъ Христа и св. Матери Церкви.



Наука о вѣрѣ.

§. 5. Свойства и совершенства Бога.

По словамъ св. Писанія „Велій Господь и хваленъ зѣло и величію его иѣстѣ конца (Пс. 144, 3.) т. е. онъ такій совершенный, что въ немъ всѣ можливѣ совершенства въ безконечной мѣрѣ находяться.

1. Бог есть существо самое отъ себе; онъ свое начало не отъ другого доставъ, но отъ самого себя. Всѣ другѣ существа отъ другого достаютъ свое бытіе; только Богу приходить само отъ себе бытіе (aseitas). Симъ свойствомъ Бога тѣсно связана его безначальность, через что означае ся то, что онъ початку не мае, и безконечность, что онъ конца не буде мати.

„Ізъ єсмъ ЩИЙ“ (Исх. 3, 14) казавъ Господь Мойсею. А въ псалмахъ такъ пише ся о Бозѣ:

„Прежде даже горамъ не быти и создати сѧ земли и кселенїй, и отъ вѣка и до вѣка ты еси“. (Пс. 29, 3.)

„Въ началѣ ты Господи землю основалъ еси и дѣла
рѣкъ твоихъ суть небеса. Та погибнѣтъ, ты же пребываєши“. (Іс. 101, 26. 27).

2. Само отъ себе разумѣется, что такое существо, что истину само отъ себе и есть безконечно совершенное, только одно дае ся. Два Боги, безконечно совершенны, независимъ другъ отъ друга немыслима рѣчъ.

„Язвъ Господь Богъ и нѣстъ развѣ мене єще Бога“ (Іс. 45, 5) говорить пророкъ.

Вѣра въ единого Бога называе ся монотеизмъ. Спершу всѣ люде въедного Бога вѣровали и лишь часомъ стали политеистами, т. е. вѣровали въ больше Боговъ. Однакожъ великъ геній стаинного вѣка, якъ Платонъ, Сократъ, Аристотелесь и пр. само отъ себе пришли на думку монотеизма и отвергли отъ себе политеистичный блудъ.

3. Богъ есть безмѣрный; т. е. его не ограничивае жаденъ просторъ, онъ наповняе всю селенну, онъ не въ выклучень изъ жадного мѣста, онъ всюды притомный. „Еда небо и землю не азъ наколнаю?“ (Іер. 23, 24).

Въюды-присутность Бога можеме обясняти на пр. съ всюди-присутностю одной мысли. Мысль: „Каждый чоловѣкъ повиненъ разъ умерти“ всюду присутна, каждый знае, каждый за правду принимае. Лиш ото есть розлука, что Богъ не есть такою мыслю, но есть правдивымъ существомъ. Но як одна мысль може быти всюды притомна, такъ може быти и Божое существо всюды-притомное. Коля говорить ся, что Богъ живе въ царствѣ небесномъ, або перебывае въ св. Евхаристії и т. д. се такъ мае ся разумѣти, что на сихъ мѣстахъ Богъ особливѣйшимъ способомъ есть присутний; якъ на пр. и вышеизгадана думка особливѣйшимъ способомъ присутна есть въ той хижѣ, где ктось умеръ.

Всюды притомность Бога есть для чоловѣка остро-
роюю, но разомъ и великою утѣхою. „Камо пойдѣ
отъ духа твоего? И отъ лица твоего камо вѣжѣ? Іще
взыдѣ на небо, ты тамъ єси? аще снидѣ въ адѣ, тамо
єси!“ (Іс. 138, 7, 8). говорить псалмистъ. Но на другомъ
мѣстѣ такъ потѣшае насъ: „Іще бо и пойдѣ посредѣ
сѣни смертныхъ не бою сѧ зла, яко ты съ мною єси.“
(Іс. 22, 4).

4. Богъ есть всемогущій и всевѣдущій. Онъ може все здѣлать, что лишь хоче. У него хотѣти только, якъ здѣлать. „Нику не изнеможеть оу Бога всакъ глаголъ“ (Лук. 1, 37.) говорить св. Письмо.

Однакожъ Богъ, якъ безконечно премудрый, лишь то хоче, что достойно есть здѣлать. Такъ Богъ не може здѣлать грѣхъ, бо то и не достойное и не есть чтось;

грѣхъ изъ взгляда моральности есть недостаток. Само такъ не здѣлае то, что не можѣтъ представити; на пр. оденъ четыреугольный круг.

Якъ всевѣдучий, знає Богъ все, что было, есть и буде, навѣть и нашъ найтайнейшъ думки открытии передъ нимъ.

Закидають: Если Богъ всѣ нашъ будучи дѣла знає, тогды мы и не можеме иншакъ дѣлать, якъ то Богъ предвидить А где тогды свобода волї чоловѣка, где тогды заслуги? *Отвѣтъ:* Съ тымъ, что Богъ дачто предвидить, тымъ еще не отбере отъ насъ свободу волї людской. Мы не зато здѣлали такъ, бо то Богъ предвидѣвъ; Богъ лиши, якъ всевѣдучий навпередъ знає, якъ мы въ будучности дѣлать будеме. И лѣкарь въ деякотрихъ случаяхъ навпередъ знає, что хворый въ той смертоносной хворотѣ умре; однакожъ не можно сказать, что хворый зато умер, бо то лѣкарь навпередъ знаявъ.

5. Взглядомъ чоловѣка Богъ есть безконечно добрий, милосердний и справедливый. Доброта Бога явлеє ся въ томъ, что онъ всѣмъ своимъ створеніямъ лишь доброе хоче. Все что маеме, отъ Бога получилисме. „Что имаши, егоже нѣси-пріїлъ“. (Кор. 4, 7.) звѣдае св. Павель. Онъ управляетъ наше житя своимъ отцевскимъ провидѣніемъ и отъ него достамете вѣчну нагороду въ царствѣ небесномъ. Но наибольшій доказ его любви къ намъ дѣло откупленія рода чоловѣчого. „Тако бо возлюби Богъ міръ, тако и Сына своего единородного далъ есть, да всакъ вѣрѹшай въ онъ не погибнетъ, но имать животъ вѣчный“. (Іо. 3, 16).

Въ своемъ безконечномъ милосердію Богъ вдячно отпускає всѣ провини кающаго ся грѣшника. „Не хочъ смерти грѣшника, но еже обратитися нечестивомъ отъ пути своего и живъ быти ємъ“ (Езек. 33, 11.) Не карає заразъ грѣшника, но въ своей долготерпливости нераз довго чекає на наверненіе грѣшника. Кто бы не познавъ прекрасну притчу Іисуса Христа о блудномъ сынѣ!?

Однакожъ никто не обойде безконечну справедливость Бога. Грѣшникъ и праведникъ або туй, або на другомъ свѣтѣ, но необходимо достануть свою кару, або нагороду отъ Бога. „Иже волясть комѫждо по дѣламъ єго... нѣстъ ко на лица зѣнія оу Бога. (Кор. 2, 6. 11.) Нагородить нась за оденъ глотокъ воды (Ме. 10, 42) но не оставить безъ кары „всѧко слово праздное“ (Ме. 12, 36).

Въ Бозѣ находяться еще мпогъ ишъ совершенства; все, что па семъ свѣтѣ красное, доброе, благородное, все въ наибольшой степени находиться въ Бозѣ. Красота міра, превосходность природы, премудрость, доброта людскаго ума и сердца лишь слабенькою тѣнью суть Божій совершенности. Его совершенство похопити не можеме, лишь приклоньше колѣна умоляти Его безмѣрное величіе.



Богданов

Блудный сынъ:

Блудный сынъ — есть образомъ покаявшаго ся грѣшника. Божественный Учитель и не могъ выразнѣйше указати на неблагодарность грѣшника и на щирое сердце небесного отца, якъ въ своей прекрасной притчѣ о Блудномъ Сынѣ. Мы всѣ мене-больше есме такими блудными сынами Бога-Отца, котрѣ або изъ легкомысленности, або изъ крехкости людской отступилися отъ него и ступили на дорогу грѣховъ. Но на наше великое щастя можемъ хоть коли, хоть изъ якихъ великихъ грѣховъ вернутися назадъ до Него и найти у Него доброе, милосердное, отцевское сердце.....

Най поглянуть на сей образъ и наши братя — отступники! Котрѣ глядають свое счаствіе въ чужихъ сторонахъ...

Они отступили, перемѣнили ся, но Отець небесный зоставъ и для нихъ добрымъ, милосерднымъ... Чекає ихъ; день и ночь надѣє ся, что вернуть ся назадъ до отцевской хижы, до отцевской вѣры... Туй е часъ покаянія и роздумованя... святый великий постъ... Най подумае каждый, где лѣпше, ци въ отцевскомъ домѣ, ци въ чужой сторонѣ и тогды отложивше всякий соромъ най кажуть со блуднымъ сыномъ: „Бестакъ, идѣ къ отцю моему...“ (Лук. 15, 18.)

ДѢЖІТЯ СВЯТЫХ

Св. Мученик Фока.

Бывъ онъ огродникомъ въ мѣстѣ Синопе въ Малой Азії на приморю Чорного Моря. Мавъ онъ одень садокъ передъ городомъ и одну хижку въ немъ. Живъ изъ роботы своихъ рукъ и бывъ добрымъ, примѣрнымъ христіяномъ. И се бывъ великій грѣхъ въ тыхъ часахъ.

Разъ пришли до него царскѣ воины и не познавши его, правѣ до его хижѣ зайшли. Хотѣли они довѣдатися за якогось христіянина Фоку, где онъ живе; бо хотѣли на него напасти несподѣванно, якъ то зробили воинны зъ Іисусомъ Хистомъ подъ проводомъ Юды.

Они и не знали что, добыча уже ѻмилася въ ихъ сѣти. Коли они посѣдали около стола и почали розмовляти, позвѣдавъ Фока, что за сдиѣ они и что ихъ привело до города Синопе.

Тогды они повѣли, что глядають якогось христіянина, именемъ Фоку и просили его, чтобы бывъ имъ на помочь зловити его.

Спокойно слухавъ Фока сесѣ слова; ни одnymъ словомъ не указавъ захопленія або страху. На утечу и не думавъ.

— „Не бойтесь я помогу вамъ. Я знаю того чоловѣка. На певно найдеме 'го; завтра рано я самъ укажу вамъ. Теперь отпочиньте мало туй и переночуйте въ моей скромной хатѣ.“

Потомъ выйшовъ, выкопавъ свой гробъ и все приготовивъ, что лишь потребно было до погребу.

Рано приступивъ до вояковъ: — „Я пильно шукавъ за Фокою и удалося менѣ его найти. Добыча готова. Вамъ лишь простерти руки и онъ вашъ“.

— „Где онъ е?“ Звѣдали всѣ.

— „Цѣлькомъ близь. Онъ стоить передъ вами. Я самъ емъ Фока. Сповнивъ ваше намѣреніе и симъ повѣнчанѣ ваши довгѣ и великѣ труды.“

Они оставпѣли отъ дивованя. И оттягалися за якійсь часъ выконати кровавый приказъ императора надъ ихъ щедрымъ и гостепріемнымъ хозяиномъ.

Однакожъ на конци побѣдила лютость катовъ. Фоку обезголовили. И якъ изъ кадила дымъ, такъ поднеслася душа его въ жертву благоуханія до престола Всевишнього.....

И якъ сей смертельный чоловѣкъ перейшовъ въ животъ петлѣнний, въ той минутѣ сповнилися слова св. Писанія: „**По-жерта висть смерть повѣдою, гдѣ ти, смерте жало; гдѣ ти аде побѣда?**“ (І. кор. 15, 54...)

Из шизматицкого раю.

Ой але братя але —
Як вовк вовка дре!..

До села Порубка, округа Свидник, заблукав один спомежи шизматицких прокаженных, бывшій московскій царскій солдат, который колись коняку шкрабав, а теперь „православный атьоц“, Евзей Бондоренко. Притранспортовав его сюди як кандитата на „апостола ложи“ ладомирскій архимандрита, роздорник и ворог наших руских братов, Виталій Моксименко. А что бѣдняга „солдат“ показався без патлатой бороды та шмалцованиго волося, мусъв поѣхати у Прагу, чтобы доповнити „волосянѣ церемонії“. По сколькох мѣсяцях вже покропленый та с рипсою бородою вернув назад, чтобы будовати межи нашим руским народом „царство сатаны“.

Свою „апостолску миссію“ зачав „атьоц“ дуже енергично. „Братя мои“ каже: „я истинный священник Христов, который пришов сіяти меже вас „слово правды“. За мою „апостолску працю“ не буду от вас богато вымагати, бо веду житє дуже скромне — бандурка и капуста, то моя пожива, а студена вода, мой напой“. Бѣдный наш рускій чоловѣк скоро повѣрив „Апостолу-Юды“ тай дався звести „душегубови“ с правдивої дороги. Нанесли бѣднязѣ повну хижу бандурок, тай капусты не мало. Одначе по сколькох днях „скромному апостолови“ проѣлося одно и то саме, зачав тягти от своих „вѣрников“ курочку, гусочку, солонину и проче. До помочи спровадив собѣ „атьоц солдат“ еще двох кандидатов. Один из ных кухарив, другій дрова рубав, а „атьоц“ командировав.

Одного красного вечера забракло „Апостолам“ студеної воды,proto взялися до горячої паленки. Видко, что велику спрагу мали, бо так завзято горло холодили, что аж им в очах почорнѣло, а голова ходила куда сама хотѣла. Нараз нагадав собѣ „апостолкомандир“, что лем на студену воду присягав. Як мог, так на ноги встав и взявся робити порядок. Молотив обох молодших приятельов, аж по селѣ лунало, а народ цѣкаво приглядався безплатной комедіи, котру счилили их „добрѣ пас-

тири“. Найбóльше оборвав „апостол-кухар“, бо еще той самой ночи украв свойому команда́нтови реверенду, красный герок (на что наши бéдни люди не одну корунку зложили), 6 хлебов; 2 литры масла, великий обрус (что бы мав у чом нести) тай пропав, як камфора. Одначе я певный, что „апостол-кухар“ втягнув уже на себе реверенду, тай десь инде баламутить наш народ.

Дорогі мої рускъ братя и сестри! Маєме вѣрний образ „кривославных апостолов“, в которых нема нѣ Бога, анѣ вѣры. Прійшли кочиши, солдаты, котръ по двадцять лѣт московско-царску коняку шкрабали меж наш добрий а бѣдный рускій народ — видерли с него найкрасшу цвѣтку, а то вѣру святу, которую плекали и хоронили, як мати дитинку наши отцъ, матери, дѣды и прадѣды. Были часы, коли наши бѣднѣ Русини крошиву ъли, а вѣру святу, той найбóльшій дар даний нам Іс. Христом, который проляв за нас свою найсвятѣйшу кровь на крестѣ, глубоко в сердцах своих хоронили.

Прото стойме, дорогъ братя и сестри, крѣпко на сторожи нашей святой вѣры; боронѣм завзято той цѣнныій скарб, который передали нам наши дѣды и прадѣды. Не даймесь звести дурисвѣтам, душегубам. Не ганьбѣм костей померших наших руских братов, котръ волѣли смерть, як зраду святой вѣры.

Ваш вѣрный брат

Мирон Хованець

правос. гр. кат. а не шизматик.

Шизматицкій бискуп на лавицѣ. Чтобы легко вѣрюющих людей еще легче могли агитаторы кривославія перетягнути на шизму, они уживають всякъ способы. Так на днях якійсь агитатор в Синевирѣ выдався за „бискупа“ и говорив, что „уніатскѣ“ епископы то паны, но он, як апостол, ходить пѣше и переспить хоть и на твердой лавицѣ. И зайдшов до одного господаря, именем Куга, и там ляг собѣ на лавицу. Но не довго знов выдержати тот способ апостолства бо, еще перед зорею встав, и пошов до гр. кат. духовника, проситися на н.ч. Розумѣясь, что наш священник принял пана „бискупа“, который там мало одпочив послѣ тяжкої пробы апостолованя. Еще и погостив наш священник пана бискупа, но притом дав му и одпoвѣдну науку из катехизма. (Свобода.)

Образованность батюхов. Дня 3. сего мѣсяца прибыв „бискуп“ шизматиков Бенямин до Калочагорбу святити батюха одного селянина из Керецких. Но посвященіе кончилося з великим скандалом. Ибо батюх кандидат не знов читати из книги, друкованої цириlicoю, которую ему передали. На початку став силабизовати, потом крекнати, як школьна дѣтина. Народ став прислуховатися, замовкли и дяки и тогда еще май смѣшино было, як мучився бѣдный батюх. На се „бискуп“ закричав на людей. — А вы молѣться! Дякам також приказав, чтобы спѣвали и так дальшѣ муки батюхи не чув народ. Коли уже посвященіе докончилося, „бискуп“ сказав батюхови: А ты научися лѣпше читати! От видите, братя русини, таких водительов хоче вам

дати шизматицка церков! Из сякими неукими водителями легко порадить политична власть, если захоче вас вынародовати, знищити. Теперь вже розум'єте, прочто подпорують и власти ширенье шизматицкого руху. (Свобода.)

Героизм батюшок. Рожнѣ батюшки, як дубовскїй, подплещанскїй, калинскїй и вольоватый Бѣланич дня 27-го января зробили наступ (атак) против нашей церкви в Терешулѣ. Гойкали, кричали и поѣмалися, что сяк-так они если треба и голову свою положать за вѣру. Но як одперли их при розбою церкви, тѣкали грабители так, что нога не знала куда их несе... Такъ то „пастырь“, котрѣ чуже майно, и дом Божій готовъ розбивати, а коли бѣда, та утѣкай... А обдуреный русин встане в бѣдѣ.

Не доучився! В Керецких не давно в лѣсѣ убило дерево (бук) одного селянина. Похороны кончив якійсь батюшка перед множеством народа, котрѣ злакомилися чути, яку проповѣдь каже новый, „твердый“ священник. Проповѣдь коротка была, но повна глубокими думками. Было всего только:

„Люде честнѣ сего чоловѣка бук убив. Бук быв в лѣсѣ, а чоловѣк под ним. Бук так нещастно упав, что чоловѣка убив. Зато мы теперь его погрѣбаем. И я теперь его прощаю од вас. Та я больше не знаю говорити, бо я еще не доучився, як тоты уніятскѣ попы. Айбо я с вами випю собѣ и паленочку и „серус“ собѣ даме. Бо я ваш. Аминь.“

Упаде бук и на наш чесный рускій народ и убие его, если таких духовных управителей буде мати, и такъ будуть проповѣдати свѣтло Христової науки на Подкарпатской Руси!

Без закона и без совѣсти. Гдекотрѣ батюшки еще все с тым осмѣляють обдурювати народ, что при великом обходѣ на св. службѣ так кажутъ: „и всѣхъ нась православныхъ“. Хотя в служебнику не так е. Можетъ хотъ котрый вѣрник отпросити служебник от батюшки и попозерати. Навѣть так е оно написано и в шизматицких богослужебных книгах выданных в С.-Петербургѣ г. 1901. и г. 1910. Айбо то им байдуже! Они на то не дивляться, головно, что есть чим дурити народ. А народ неборак не утямить, что батюшки его за носом ведуть...

Ци подперае власть „кривославіе“? Од коли маеме русского губернатора, смѣлость батюшков и шизматицких агитаторов очевидно росте. Наши духовники выставленѣ диким, можно казати, страшным переслѣдованям. А шизматицки батюшки, по большей части чужѣ зайды, всякѣ загадочнѣ одиницѣ, хвальяться ласкою жупанов, головнослужбных и жандармов.

Лиш сѣм-там найдеся по один справедливый урядник, который не позволяе собѣ нищечня прав народа и свободы совѣсти. Лиш поеднѣ наши и то свѣдомѣйшѣ урядники видять ясно,

что культурна борьба, ведена урядництвом против нашої церкви, намѣрена против жизненных интересов народа нашого, для уничтоженя головнѣйшого стовпа нашої національної екзистенції.

Експоненты правительства постоянно декламують, что е тут повна свобода совѣсти, съм-там и пообѣцяють помочи окривдженым греко-католикам, но в дѣйстности тайно тым силнѣйше подпоруеся большевицка, дика агитація кривославников.

Чтобы мы не лиш свои може пессимистичнѣ погляды подавали, дословно передрукуеме выражы одного держ. урядника, москвофила из Галичины который посѣтив „православнѣ“ села и в едном (попавшом до наших рук) листѣ писав:

Я был у нотаря... и у жандармов, объяснил им наше дѣло, замѣтил, что тот, кто претпятствует движеню нашего православія, есть врагом чсл. правительства, которое хочет быть и в церквных дѣлах самостоятельным, потому поддерживает морально и материально юрисдикцію Высокопреосвященнаго Савватія.“

В том самом листѣ пише тот чужинець урядник, что

„на команданта жандармері... подадуть жители Л—а жалобу в команду жандармері и по моему устроят его“.

На конец заявить наш пришлець, что

„я буду сегодня жаловаться на окружного начальника, нотаря и жандармов вездѣ. Имена этих людышек мнѣ известны“.

Сесь искрениѣ слова того панчука потолкують всѣ бунты, баламуты, атаки и битвы в нашем нещастном народно-религійном житю. Потолкують, прбто так милѣ у наших урядов галицкѣ зайды и их помочники.

Всѣ они служать одной цѣли: нищити все, что у нас народное, разрывати культурнѣ традиціи, разбити горсточку нашего народа на непріятельскѣ партіи, из нашої народної нивы зробити поле внутрѣшньої войны, чтобы пак над розвалинами создали они свой новый, неруський Ерусалим.

Все то мав бы порозумѣти кождый грамотный русин и тогда агенты Савватія не могли бы так легко зловити собѣ яничаров из сынов руських матерей. (Свобода)

Греко-католицкѣ богослуженія отправляються в Празг кождой неділї и свята о год. 10 ой в церкви sv. Jana Nep. на Skalce, Praha II. Возьваеме увагу на се всіх наших вітрников перебывающих дочасно або тревало в Празг.

НОВОСТИ

Антоній Епископ 21. фебруара послѣ довшого одсуствія от своего столичного города вернувся из Риму. Перед пару тыждніями поїхав он в „вѣчный город“ в Рим, чтобы изпovнив свою епископску повинностъ и подав реfерацію Святѣйшому вселенскому Архиєрею, XI. Пію, теперѣшнему наследнику св. Апостола Петра.

Велика товпа вѣрников чекала епископа Антонія, особено коло катедральної церкви в которой мukачевска капитула, центральное духовенство, чекали своего доброго Пастыря на торжественное принятіе. В дверях церкви Епископ одѣвся в архиерейскую одежду, и коли святою водою облагословив народ, почав хор катедральный прекрасну пѣсню: „Отъ востокъ сонца до западъ хвалю имѧ Господне“, означающи „соборность“ нашей „единой святой, апостольской“ церкви.

На амбонѣ потому дякуючи Богу возголосив протоерей викарій генеральный Петр Гебей: „Бездадимъ хвалю Господъ Богъ нашемъ“ на что с великим одушевленіем одспівав хор: „Тебѣ Бога хвалимъ“. На концѣ сеѧ пѣснѣ одкончили благодарственнѣ ектеніѣ, по которыхъ выступилъ протоерей П. Гебей и с радостными, словами привитав Епископа от имени капитулы и цѣлой епархіи мukачевской. „Мы всѣ непрестанно молилися, казав о. Протоерей — за ваше Преосвященство, чтобы Вам Бог помог щасливо вернутися до дому послѣ своего трудного апостольского пути“. — Епископ Антоній из широкого сердця подяковав за привѣт: „И я всегда молився за Вас всѣх, особенно коли служив ем литургію над гробом св. апостола Петра. Святѣйший архиерей XI. Пій благосклонно принялъ мене, послухав мою реfерацію, и просив мене, чтобым всѣм моим духовникам и вѣрникам передав Его архиерейское благословеніе, которое я в слѣдующу недѣлю намѣрю выдѣлити с Божею помочію“.

По многолѣтствію потом Епископ дав епископское благословеніе.

Епископ Антоній там быв в Римѣ, коло вѣчных жерел християнства истинноѣ Христовоѣ церкви од него и мы набралися зуха, любити Бога, истинну вѣру и придѣлятися ид той скалѣ, на котрувыбу давав Іисус Христос свою истину церьков. — И мы вѣрно стоиме с Епископом Антоніем як добрѣ упорядкованое войско борючися смѣло с ворогами вѣри скажеме: „Съ нами Богъ! Разумѣйтѣ ізыци и покарайтися, яко съ нами Богъ.“

Димитрій Кумяцкий.

Собраніе греко-каѳоликовъ у Нересницѣ! Мало видѣла Нересниця въ себе только чужихъ людей якъ на Трехъ Святителей; бо тоѣ красноѣ днины демонстровало около 1000 людей изъ 14 сель округа Тересовскаго на собраніюколо своеї греко-каѳолицкої вѣры и руської народности и протестовали противъ насильства и анархіи греко-восточныхъ шизматиковъ.

На се торжество прійшли и миссіонеры нашоѣ вѣры и народности: проф. В. Желтвай и Др. М. Брашайко. — На соборной Литургіи апостол читавъ М. Брашайко, а пре-восходну процовѣдь сказалъ В. Желтвай. — У 11 годинъ зачалося собраніе, которое одкрывъ намѣсникъ К. Хира, указавши на вѣчну правду, котра побѣдила и побѣдить враговъ истины. За нимъ промовивъ И. Деакъ, и. учитель изъ Тернова. Обрисовав положенія греко-каѳоликовъ, супротивъ греко-восточныхъ, котрѣ повной свободѣ, даже всѣ границѣ перевысшающей свободѣ радуются, ибо церкви розбивають, имѣнія забираютъ отъ грекокаѳоликовъ, а уряды имъ помогаютъ, ибо ничего не роблять противъ нихъ. На слова речника собраніе енергично за протестовало противъ нападовъ и грабежи бездушныхъ шизматиковъ и жадало свої скарги черезъ нунція святѣйшому Отцу всѣ надужитя до вѣдома до-нести. — Дръ Михаилъ Брашайко розвювъ въ своей бесѣдѣ необходность: Христіянскогъ партії — котра має быти и Народна: Руська! — Котра такъ въ суспольномъ житю, якъ и въ парламентѣ має хоронити интересы христіянского-руського населенія, якъ и добиватися всѣхъ правъ, належ-ныхъ всѣмъ горожанамъ. Народъ заявивъ, что лише одну партію признае своею, а то хлѣборобску, ибо та е одна Христіянска и Руська!

Проф. Желтвай потолковавъ нравы истинно-христіянской а шизматицкой вѣры и такъ нужный спокой душевный, для выбудованя лучшой будучности.

Говорив Котикъ изъ Тернова, Бжланчикъ изъ Пудплешѣ о положеню- настоячомъ. — Изъ Вульховець промовивъ Щирікъ который скарживъ лжеуживаня заграбленыхъ маєковъ и цѣнностей. Сказавъ что батюшки пока научаться махати кадильницею, одни, двої ризы изпалять, землѣ про-даютъ и іншѣ вещи знищать. Кто наверне шкоду?

А. Хира прочитавъ пастырское посланіе Преосвященнаго Антонія, нашего любого Епископа въ котромъ архипастырь благословить терпѣння за святу вѣру, труды вѣрниковъ въ оборонѣ еї. Забезпечуе греко-каѳоликовъ о соборной вѣрѣ, отцевскомъ обряду календаря и неизмѣнности нашихъ вос-точныхъ звычайовъ. — Одзыавався до христіянского свѣта противъ нападовъ Торунскихъ и имъ подобныхъ. Собраніе найенергично протестує противъ дикостей фанатичныхъ и жадає одъ правительства забезпеченіе противъ такого въ будуч-

ности. — О. Михайловичу и его вѣрникамъ, оброндямъ и мученикамъ сочувствіе свое выражаетъ!

По сему промовивъ Д. Митровицѣ: „Сгойте въ вѣрѣ“, потолковавши розлуку межи греко-кафтолицкою а греко-восточною вѣрою.

Въ конци Гриць Плиска изъ Ганичъ, предсѣдатель собравія подяковав собравшомуся народу, что не шкодуючи ни трудности, ни тяготы такъ торжественно зявили свое чувство, исповѣли свою вѣру и заключив собраніе.

Памнятный буде намъ сей день, коли супротивъ зими, снѣга и великого труда зойшли такъ велика товпа — изъ самого Тернова до 200 людей — дати на знаня свѣту, что имъ май дорожша вѣра и народность, выявити вѣрность не-поколебиму Папѣ Римскому, и указати напраснѣ труди Досифея, Саватія, Веніаміна и другихъ незваныхъ апостоловъ!

Якъ бы всѣ вѣрники и душастырѣ наповнилися духомъ, смѣлостю и ревностю, К. Хиры, М. Бращайка, Д. Митровича, И. Деяка, А. Хиры и наших ревных селян Котика, Биляничіа и Щирика, всѣ батюшки вернулибysя идь своему предному занятію, и не было бы колотьбы вѣры!

Паломникъ.

Бохогульство як агитаційное средство. Николи не думалисме, что межи руськими партіями находиться и така, котра для агитаційного средства уживати смѣе богохульство. Знали мы добре, что аграрники не хотять и не будуть заступати нашу гр. кѣ: вѣру, но то чтобы они просто высмѣяли и низкѣ фигль робили изъ нашего найсвятѣйшого чувства, на то уже и думати не смѣли. А однакож так ся стало. Офіціяльный орган „республиканской земледѣльческой“ (агарной) партії „Село“ помѣстив в своем найновѣйшом числѣ межи „смѣхами“, что хлѣборобска партія на своей листѣ на першом мѣстѣ кандидує св. Йозафата..

Сеся низька фигля має зворушити кожного вѣрного и свѣдомого христіянина, не лиш греко-каѳолика, не лиш русина, но кожного чоловѣка, в котором найдеся лиш крихты людского почуття.

Паны аграрники вы думаете, что ионеже власть за вами стоить, то вам уже все свободно? Думаете, что наше религійное чувство можете уже ногами тоштати? Вам народ христіянскійнич, вам вѣра вич, вам честьнич, вам можно высмѣяти все, что нам святое?? И вы еще рахуете на голосы честных греко-каѳоликов, даже хотѣлисте в свое богохульное товариство залудити и нашое крѣпковѣрное духовенство? Мы еще так низко не упали; у нас еще есть довольно христіянского чувства и доста силы указати при выборах, что никто из греко-каѳоликов не дае свой голос на вашу богохульну политику. Вы высмѣялисте нашего руського священномуученика св. Йозафата, святого изъ нашої крови и кости,

но мы русины, греко-кае. христіяне се вам не забудеме! Будете вы еще на се горько памятати...

Старовѣрцѣ а Унія. Геронскій, петербурскій и тверскій архієпископъ, разомъ съ Инокентіем, новгородскимъ и арсамашкимъ епископомъ, созвали ще 1916. р. конгресъ старовѣрцовъ. Было тамъ около 15 священниковъ. На конгресъ запросили и греко-католически священниковъ: оо. Верховского, Колчинского, Зерчанинова и Семанского. Конгресъ мавъ ту цѣль, чтобы съ усть греко-католиковъ чути, яку они науку учать и чтобы вынайти способъ соединенія съ св. Престоломъ Римскимъ. — На томъ конгресу сказавъ епископъ Инокентій: „Мы читали а теперь ще читаеме страшеннѣ напады на Церковь каеолическую... Мы вже привыкли на то, что одни христіяни другихъ страшенно ганьблять. Але мы вже не можеме вѣрити то всьо, что люди пишуть. Мы можеме вѣрити Вамъ, котрѣ, сте якъ и мы, Россіяне; Вамъ, котрѣсте роздуманно и добровольно перейшли на гр.-каеолическую вѣру. Я отверто скажу: намъ не перечить принятии св. соединеніе анѣ вопросъ главенства рим. отда, анѣ вопросъ Препорочного Зачатія, анѣ вопросъ Чистилища, бо въ тѣхъ вопросахъ мы съ вами виедно стоиме, бо всѣ тіи науки находяться въ нашей православной науцѣ, въ творахъ св. Отцовъ восточной Церкви, въ нашихъ літургіяхъ. „По довшихъ розмовахъ старовѣрцы постановили соединитися съ Римомъ. Одъ Рима жадали: 1) чтобы Римъ признавъ ихъ священство; 2) чтобы имъ удѣливъ автономію, яку мають други восточнѣ церкви; 3) чтобы респектовавъ ихъ Требникъ, про котрый они такъ много крови проляли одъ стороны Россійского царизма. Тамъ было постановленно въ мѣсяцѣ августи 1917. созвати оденъ великий конгрес и поговорити вопросъ о соединенію всѣхъ старовѣрцовъ съ Церковю каеолическою. Але фебруарска револуція заперечила. Архієпископъ Геронскій бывъ одъ большевиковъ забитый. Горячо всѣ просиме Господа въ найсв. Евхаристії: „О соединеніи Божіихъ церквей.“

ПЕРЕПИСКА РЕДАКЦІИ.

А. Шт. Станча. Щиро дякуємо за численних прѣдплатников. Такъ вѣрники, котрѣ такъ зрозуміють духъ времени и такъ щиро жертвують свои геллеры на христіянську прессу заслужили на публичну похвалу.

І. К. Берегово. 140 предплатников на „Благовѣстник“ т. е. 140 молодых апостолов в оборонѣ вѣры! Щиро гратулуємо до сего красного успѣха.

М. П. Позднѣйше прїде.

СОДЕРЖАНІЕ:

Передъ важнимъ крокомъ.... НАУКА О ВѢРѢ: § 5. Свойства и совершенства Бога. — БЛUDНЫЙ СЫНЪ. ИЗЪ ЖИТЯ СВЯТЫХЪ: Св. муч. Фока. — ИЗ ШИЗМАТИЦКОГО РАЮ. Новости.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОКШАЙ.

Ницо НАANEL

ставитель олтаров, рѣзбарь и позолотарь

NOVÝ JIČÍN. — MORAVA.

допоручуєся к выправѣ олтаров, казательниць,
крижowych путей, св. гробов, хору и сповѣдаль-
нице, логушов и сакристій и проч.

◀(Оферты выробить бесплатно и франко)▶

ДОПОРУЧЕНІЕ.

Собраніе предсѣдатевства и дозорчой рады Церковного Товариства одбывшого ся в Пелгрѣмовѣ 16. окт. 1923. рѣшила ся допоручити всьому духовенству, католицким сполкам а Орелстку

товарню сукон HEZINA a SPOL v Humpolci.

Многораз носить духовник на собѣ, як реверенду и до церкви Божої из жидовских товарень куплену.

Мы котрѣ знаеме многѣ лѣта особно пана ГЕЗІНУ, его давну организачну працу в Sdružení katol. mládeže, его горливость про идею католицку, его подпору католицкой литературы, держиме прямо за свою повинность, упозорнити своѣ братя и католицки вѣрники во обще, обы того горливого товарника, головно прото же есть зачатечник, из всюю силою подпоровали. Так помогают и дуже доброй цѣли.


За Церковное Товариство про републику ческословенску в Пелгримовѣ:

Představenstvo: Fr. Vaněk, děkan v Pelřimově (buJěj. diecese), předseda; Karel Balík, děkan v Černovicích (buděj. diec.), místopředseda; Josef Posík, farář v Zachotině (buděj.), pokladník; Sim. Zapletal, děkan v Telči (brněnská diecese); Josef Svaton, farář v Dušejově (hradecká), jednatel; Josef Beneš, děkan v Benešově (pražská). Dozorčí rada: Inž. Ant. Malik, ředitel ařib. velkostatku a pař. komisař v Červené Rečici, předseda; K. Melena, b. vikář v Božejově, místopředseda; Ant. Mašek, farář v Batelově (Brněnská); Jan. Prokeš, farář v Něm. Vyskytné (Hradecká); Bohumil Slašek, ústřední tajemník lidové strany v Praze.

Еще маеме дасколько примѣрников из книжочки М. Гелебана: „Где глядати правду?“ Кождый вѣрный гр. кає. прав. русин має прочитати сесю цѣнну книжочку.

Цѣна 1 Кч.

СУКНА А МОДНЪ МАТЕРІЯЛЫ,



панскъ и дамскъ uniformовъ, тепихы, перковиъ сукна, готовъ реверенды, стихары и одежи додасть Вам найгунше по мустрѣ, которы пошлются на жаданя.

Выроба сукон **HEZINA A SPOL** Humpolec

Повѣреный лиферант Церковного Товариства иро Реп. Чсл.

БОЖЪ ГРОБЫ, СТАТУЪ

ВЫРОБЛЕЕ ИСКУСТНОЕ ПОДПРИЕМСТВО

ŘEHNNA A CHARVÁT

:- KUTNÁ HORA 515. ČECHY. :-

ГАРМОНИИ



к упражненю в спѣву.

ПІЯНА и ПІЯНИНА.

Первокласнъ вырооны. Поч. стнъ и значеня. Д. ставлено 7300 гармоний и піян и 287 органов. Ву однъ условія для плаченя також и на раты. Иллюстраціи цѣнники бесплатно. Найбогльша ческа фабрика сего фаху.

Заснована року 1869.

JAN TUČEK, KUTNÁ HORA, ČECHY.



ГАРМОНИИ

обох родов

доставляе

RUDOLF PAJKR a Spol.

основано р. 1894

Hradec Králové (Čechy).

В КНИГОПЕЧАТНЪ „УНІО“

МОЖ ПОЛУЧИТИ СЛѢДУЮЧЪ КНИГИ:

	Кч
1. Азбука Волошина	7.—
2. Читанка „ II. кл.	6·50
3. Аритметика Волошина I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по рускии по мадярски	5.—
6. Малый катихизм	1·20
7. Средпый „	3.—
8. Великій „	5.—
9. Мала біблія	3.—
10. Середна біблія	10.—
11. Наша правда в вѣрѣ от д-ра Ю. Гаджеги...	2.—
12. Прочто праздновати недѣлю а не субботу от д-ра Ю. Гаджеги	3.—
13. Біблейские вопросы с точки зренія восточ- ныхъ церквей	3.—
14. Вѣнец, стихотв. Павловича	18·60
15. Великій Зборник }	40.—
16. Середный „ } и с латиникою	24.—
17. Малый „ }	15.—
18. Ангел Господен }	6.—
19. Марія Повчанскій Паломник...	16.—
20. Пѣсемник, от директора промысловыхъ школ Ф. И. Шпалы	12.—
21. Рисованіе для дѣтей с русским текстом ...	6.—
22. Рисованіе для дѣтей съ чешским текстом ...	4.—
23. Рисованіе геометричное	15.—
24. Ручна праця в школѣ с чешским или ма- дярским текстом	16·50

В том состояніи есме, что всѣм заказующим через
48 годин можемъ почтовно провадити.

Заложуйте свои вкладки до Централъ або філіялік
ПОДКАРПАТСКОГО БАНКА.

СТАН ВКЛАДОК ПОВЫШЕ: КЧ. 10.000,000.

В всяких фінансових и господарских дѣлах доставить Вам скору, точну и безплатну пораду :-:

ПОДКАРПАТСКІЙ БАНК В УЖГОРОДЪ.

Своими заощадненными гелерами при доброму опроцентованю капитала подпираите свой народный

ПОДКАРПАТСКІЙ БАНК В УЖГОРОДЪ.

Істинно народна, руська и славянска інституція есть

ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом Банковного Уряду выконує :-:-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав Европы и Америки выконує найвыгоднѣйше :-:-

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000, 500, 5.—) переводить :-:-:-:-

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.

Америцькѣ десеквестрації, исекурації и компензациі за померших в Америцѣ переводить :-:-

ПОДКАРПАТСКІЙ БАНК В УЖГОРОДЪ.

За вкладки (льокациі) платить

ПОДКАРПАТСКІЙ БАНК

:-:- 5%—6%. :-:-

Путешественна канцеларія продажа желѣзнодорожных карточок на цѣлу територію Републики и до всѣх сторон свѣта має

ПОДКАРПАТСКІЙ БАНК В УЖГОРОДЪ